

SESOTHO PUO YA PELE YA TLATSETSO: PAMPIRI YA II
SESOTHO FIRST ADDITIONAL LANGUAGE: PAPER II

Nako: Dihora tse 2½

Matshwao: 100

DITAELO LE TLHAHISOLESEDING HO MOHLAHLOBUWA

1. Pampiri ena e na le maqephe a 5. Etsa bonnete ba hore a felletse.
2. E arotswe dikarolo tse PEDI, e leng:

KAROLO YA A: DINGOLWA

KAROLO YA B: DITEMA TSA KGOKAHANO

3. Latela ditaelo tse qalong ya KAROLO E NNGWE le E NNGWE ka hloko.
4. Karolo ya A e na le dipotso tse NNE. Di arabe kaofela ha tsona.
5. Karolo ya B e na le dipotso tse NNE, Potso ya 5, 6, 7 le 8.

O tlameha ho kgetha ho araba potso ya 5 kapa 6 mme o boele o kgethe ho araba potso ya 7 kapa 8.

6. Qala karolo e NNGWE le e NNGWE leqepheng le LETJHA.
 7. Ngola ka mongolo o makgethe o balehang.
-

KAROLO YA A DINGOLWA*Mohlalobi Tshita – K.P.D. Maphalla***POTSO YA 1**

Bala tema ena e ka tlase o nto araba dipotso tse tla latela. Hopola hore dipotso tsa karolo ena di itshetlehile ka dikahare tsa buka kaofela.

Mantsibuyeng a Moqebelo oo, Tshita le Tseleng ba ne ba nke moholwane wa Lekgetho, mme ba kgutlela le yena hona kwana mabatleng. Ho ne ho se ho se batho moo mabatleng, e se e le ona motse o kgutsitseng hantle. Tshita o ile a emisa koloi thoteng, mme a olla bolokwe, a bo tshela ka hara mokotlana o monyenyanane, mme ba ya le bona mabatleng.

- 1.1 Tshita o ne a utlwetse eng ka diketsahalo tsa mabatleng hore a batle ho ya etsa dipatlisiso moo, le hona o ne a utlwile ka mang? (2)
 - 1.2 Ha o nahana, ke hobaneng ha Tshita a ne a nkile moholwane wa Lekgetho ho ya le yena mabatleng moo? (2)
 - 1.3 Ke makatikati afe a etsahalang mabatleng a etsang hore Tshita a ilo beha bolokwe hodima lebitla la Lekgetho? (1)
 - 1.4 Diphetoho tseo Tshita a di fumaneng moo lebitleng la Lekgetho ka le hlahlamang di thusa jwang ho hodisa poloto ya buka? (2)
 - 1.5 Leqheka la Tshita la ho ya hasanya bolokwe hodima lebitla la Lekgetho le mo hlahisa e le mophetwa ya jwang? Hobaneng o rialo? (2)
 - 1.6 Nnetefatsa polelo e reng 'dithoto ke lefa la ba bohlale' ka ho sekaseka leqheka la tshupanako leo Tshita a le sebedisitseng ho Tsokotseha. (2)
 - 1.7 Mpho eo ya tshupanako e ile ya tshwara kgarebe ya Tsokotseha jwang? Tiisa karabo ya hao ka lebaka. (2)
 - 1.8 Ke leqheka lefe leo wena o neng o ka le sebedisa ho thibela diketso tsa tlolo ya molao tse etsahalang mabatleng? Bolela le le leng feela. (1)
 - 1.9 Ho ne ho ka etsahalang ka Tseleng ha batho ba neng ba le mabatleng ba ka elellwa hore o ba bone ? (1)
- [15]**

POTSO YA 2

Na o ka re **semelo** sa Kokokomoha e ne e le sa lepolesa le silafetseng ka ho fetisisa seteisheneng sa Malwaleng? Hlakisa ntlhakemo ya hao ka moqoqo wa mantswe a dipakeng tsa **120** le **150**.

Matshwao:

Dikahare

(10)

Sebopeho le puo

(5)

[15]

POTSO YA 3

Bala qotso e latelang o nto araba potso e tla latela.

"Kapotene o itse ke tlise lengolo lena," ho realo Tsokotseha ha a fihla lebenkeleng la Mmalekgetho. "O itse ke o fe lona ka matsohong. Ha a batle letho hona kajeno lena."

Qetella puisano ena e dipakeng tsa Tsokotseha le Mmalekgetho o totobatse kamoo Mmalekgetho a thusang ho hodisa kgohlano e teng dipakeng tsa Kokomoha le Tshita kateng. Ngola ka mantswe a **80–100 ntle le mabitso a batho ba buang le ditaello tse ka masakaneng**.

Matshwao:

Dikahare

Sebopeho le puo

(6)

(4)

[10]**POTSO YA 4**

Ho rata tijelete le bophelo bo monate ke a mang a mabaka a susumetsang boitshwaro ba Kokomoha. Dumellana kapa o hanane le mohopolo ona ka ho totobatsa ntlhakemo ya hao e tsheheditsweng ka mabaka a utlwahalang. Bolelele ba moqoqo wa hao e be mantswe a **180–200**.

Matshwao:

Dikahare

Sebopeho le puo

(13)

(7)

[20]**60 matshwao**

KAROLO YA B DITEMA TSA KGOKAHANO**DITEMA TSA KGOKAHANO TSE TELELE****KGETHA HO ARABA POTSO YA 5 KAPA YA 6.**

Kgetha mme o ngole tema E LE NNGWE ya bolelele ba mantswe a **200–250**. Hopola ho etsa moralo, mme o be o boele o lekole tema ya hao botjha ho hlaola diphoso.

POTSO YA 5

O lepolesa le sa tswa hirwa seteisheneng sa sepolesa motseng wa heno. O modulasetulo wa foramo e thusanang le sepolesa motseng oo wa Malwaleng. Le tlo ba le kopano le setjhaba jwalo kaha le se le utlwile ka menyenyetsi ya hore ho tlo ba le mohwanto bekeng e tlang, moo batho ba tlo ipelaetsang ka botlokotsebe le dipolao tse teng motseng wa heno.

Ngola **puo** eo o tla fana ka yona setjhabeng ho ba fa tshepiso le kgothatso ya hore o ikemiseditse ho sebetsa le bona twantshanong le botlokotsebe bo seng bo jele setsi motseng oo wa Malwaleng.

Matshwao:

Sebopeho, dikahare le moralo

(18)

Puo, setaele le ho hlaola diphoso

(12)

[30]**KAPA****POTSO YA 6**

Lekgetho ke enwa o sa tswa hlokahala. Mofumahadi wa hae o kopa wena ho ngola tsa bophelo ba mofu.

Ngola **obitjhuari** ya Lekgetho o hopole dintlha tsohle tse amanang le sebopeho sa obitjhuari. O na le bolokolohi ba ho iqapela ditaba tse ding mabapi le Lekgetho.

Matshwao:

Sebopeho, dikahare le moralo

(18)

Puo, setaele le ho hlaola diphoso

(12)

[30]

DITEMA TSA KGOKAHANO TSE KGUTSHWANYANE**KGETHA HO ARABA POTSO YA 7 KAPA YA 8.**

Kgetha mme o ngole tema E LE NNGWE ya bolelele ba mantswe a **60–80**. Hopola ho etsa moralo, mme o be o boele o lekole tema ya hao botjha ho hlaola diphoso.

POTSO YA 7

Batjha ba motse wa heno ba rerile ho tshwara seboka sa batjha ho tla tshohla bobbe ba dithethefatsi. Ba thontse wena ho ba ralla phoustara e bapatsang seboka seo. Hopola sebopeho sa phoustara mme o e rale ka sehlooho se amanang le dithethefatsi.

Matshwao:

Sebopeho, dikahare le moralo

(6)

Puo, setaele le ho hlaola diphoso

(4)

[10]

KAPA**POTSO YA 8**

Jwalo ka mongodi wa mokgatlo wa baithuti sekolong sa heno, ngola memorandamo e reretsweng ho tsebisa baithuti ka diphetoho tse fihletsweng kgahlanong le ho ngola teko ya tshohanyetso ya Sesotho.

Matshwao:

Sebopeho, dikahare le moralo

(6)

Puo, setaele le ho hlaola diphoso

(4)

[10]

40 matshwao

Matshwao kaofela: 100